



孫真人備急千金要方卷之九

外科

分三

宋朝奉即守本常少卿

校理林億等校正

初生出腹第二論

論曰小兒初生先以綿裹指拭兒口中及舌上青泥惡血此為之玉衡一作街若不急拭啼聲一發即入腹成百病矣兒生落地

不作聲者取暖水一器灌之須臾當啼兒生不作聲者此由難產少氣故也可取兒臍帶向身却捋之令氣入腹仍呵之至百度啼聲自發亦可以葱白徐徐鞭之即啼兒已生即當舉之舉之遲晚則令中寒腹內雷鳴乃先浴之然後斷臍不得以刀子割之須令人隔單衣物咬斷兼以暖氣呵七遍然後纏結所留臍帶令至兒足趺上短則中寒令兒腹中不調常下痢若先斷小丘山房

卷九

喬氏世定刻行

臍然後浴者則臍中水臍中水則發腹痛其臍斷訖連臍帶中多有蟲宜急剔撥去之不爾入兒腹成疾斷兒臍者當令長六寸長則傷肌短則傷藏不以時斷若授汁不盡則令暖氣漸微自生寒令男臍風生兒宜用其父故衣裹之生女宜以其母故衣皆勿用新帛為善不可令衣過厚令兒傷皮膚害血脉發雜瘡而黃兒衣綿帛特忌厚熱慎之慎之凡小兒始生肌膚未成不可暖衣暖衣則令筋骨緩弱宜時見風日若都不見風則令肌膚脆軟便易中傷皆當以故絮衣之勿用新綿也凡天和暖無風之時令母將兒於日中嬉戲數見風日則血凝氣剛肌肉牢密堪耐風寒不致疾病若常藏在幃帳之中重衣溫暖聲言猶陰地之草木不見風日輒脆不堪風寒也凡裹臍法椎治白練

令柔輒方四寸新綿厚半寸與帛華合之調其緩急急則令兒吐吮兒生二十日乃解視臍若十許日兒怒啼似衣中有刺者此或臍燥還刺其腹當解之易衣更裹臍時閉戶下帳然火令帳中溫暖換衣亦然仍以溫粉粉之此謂冬時寒也若臍不愈燒絳帛末粉之若過一月臍有汁不愈燒蝦蟆灰粉之日三四度若臍中水及中冷則令兒腹絞痛天絞啼呼面目青黑此是中水之過當炙粉絮以熨之不時治護臍至腫者當隨輕重重者便炙之乃可至八九十壯輕者臍不太腫但出汁時時啼呼者擣當歸末和胡粉傅之炙絮日熨之至百日愈以啼呼止為候若兒糞青者冷也與臍中水同兒洗浴斷臍竟襁抱畢未可與朱蜜宜與甘草湯以甘草如手中指一節許打碎以水二小丘山房

牛黃卷九

二 喬氏世定刻行

合煮取一合以綿纏沾取與兒吮之連吮汁計得一蜺殼入腹止兒當快咭去心胃中惡汁也如得吐餘藥更不須與若不吐者可消息計如飢渴須更更與之若前所服及更與並不得吐者但稍稍與之令盡此一合止如得吐出惡汁令兒心神智慧無病也飲一合盡都不吐者是兒不含惡血耳勿復與甘草湯乃可與朱蜜以鎮心神安魂魄也兒新生三日中與朱蜜者不宜多多則令兒脾胃冷腹脹喜陰癩氣急變瘳瘳而死新生與朱蜜法以飛鍊朱砂如大豆許以赤蜜一蜺殼和之以綿纏筋頭沾取與兒吮之得三沾止一日令盡此一豆許可二日與之則用三豆許也勿過此則傷兒也與朱蜜竟可與牛黃如朱蜜多少也牛黃益肝膽除熱定精神止驚辟惡氣除小兒百病

也新生三日後應開腸胃助穀神可研米作厚飲如乳酪厚薄以豆大與兒咽之煩咽三豆許止日三與之滿七日可與哺也
兒生十日始哺如棗核二十日倍之五十日如彈丸百日如棗
若乳汁少不得從此法當用意小增之若三十日而哺者令兒
無疾兒哺早者兒不勝穀氣令生病頭面身體喜生瘡愈而復
發令兒羸弱難養三十日後雖哺勿多若不嗜食勿強與之不
消復生疾病哺乳不進者腹中皆有痰癥也當以四物紫丸微
下之節哺乳數目便自愈小兒微寒熱亦當爾利之要當下之
然後乃瘥凡乳兒不欲太飽飽則嘔吐每候兒吐者乳太飽也
以空乳乳之即消日四乳兒若臍未愈乳兒太飽令風中臍也
夏不去熱乳令兒嘔逆冬不去寒乳令兒效痢母新房以乳兒

小丘山房

金卷九

三 喬氏世定刻行

令兒羸瘦交脛不能行母有熱以乳兒令變黃不能食母怒以
乳兒令喜驚發氣疝又令上氣癲狂母新吐下以乳兒令虛羸
母醉以乳兒令身熱腹滿凡新生小兒一月內常飲猪乳大佳
凡乳母乳兒當先極授散其熱氣勿令汁奔出令兒噎輒奪其
乳令得息息已復乳之如是十返五返視兒飢飽節度知一日
中幾乳而足以爲常又常掇去宿乳兒若卧乳母當以臂枕之
令乳與兒頭平乃乳之令兒不噎母欲寐則奪其乳恐填口鼻
又不知飢飽也浴兒法凡浴小兒湯極須令冷熱調和冷熱失
所令兒驚亦致五藏疾也凡兒冬不可又浴浴又則傷寒夏不
可又浴浴又則傷熱數浴昔冷則發癩若不浴又令兒毛落新
生浴兒者以猪膽一枚取汁投湯中以浴兒終身不患瘡疥勿

以雜水浴之兒生三日宜用桃根湯浴桃根李根梅根

枝亦得咬咀之以水三斗煮二十沸去滓浴兒良去不

終身無瘡疥治小兒驚辟惡氣以虎湯浴金一斤虎頭骨一

枚以水三斗煮爲湯浴但須浴即煮用之凡小兒初出腹有鵝

口者其舌上有白屑如米劇者鼻中亦有之此由兒在胞胎中

受穀氣盛故也或姓娠時嗜糯米使之然治之之法以髮纏筋

頭沾井花水擦拭之三日如此便脫去如不脫可煮粟莢汁令

濃以綿纏筋頭拭之若春夏無粟莢可煮栗木皮如用井花水

法小兒初出腹有連舌舌下有膜如石榴子中隔連其舌下後

喜令兒言語不發不轉也可以瓜摘斷之微有血出無害若血

出不止可燒髮作灰末傅之血便止也小兒出腹六七日後其

小山山房

金芳卷九

四 喬氏世定刻行

血氣收斂成肉則口舌喉頰裏清淨也若喉裏舌上有物如蘆
籬盛水狀者若懸癰有脹起者可以綿纏長針留刃處如粟米
許大以針刺決之令氣泄去青黃赤血汁也一刺之止消息一
日未消者來日又刺之不過三刺自消盡餘小小未消三刺亦
止自然得消也有著舌下如此者名重舌有著頰裏及上腭如
此者名重腭有著齒齦上者名重齦皆刺去血汁也小兒生輒
死治之法

當候視兒口中懸癰前上腭有胞者以指摘取頭決令潰去

血勿令血入咽入咽殺兒急急慎之

小兒初出腹骨肉未斂肌肉猶是血也血凝乃堅成肌肉耳其
血沮敗不成肌肉則使面目繞鼻口左右悉黃而啼閉目聚口

口乾燥四肢不能伸縮者皆是血脈不斂也喜不育若
有如此者皆宜與龍膽湯也

方出下
驚邪篇

相兒命短長法

兒初生叫聲連迤相屬者壽聲絕而復揚急者不壽

啼聲散不成人 啼聲深不成人

臍中無血者好 臍小者不壽

通身軟弱如無骨者不壽

鮮白長大者壽 自開目者不成人

目視不正數動者大非佳

汗血者多厄不壽

汗不流不成人

小丘山房

卷元

小便疑如脂膏不成人

頭四破不成人 常搖手足者不成人

早坐早行早齒早語皆惡性非佳人

頭毛不周匝者不成人

髮稀少者強不聽人

一作不聰

額上有旋毛者早貴妨父母

兒生枕骨不成者能言而死

尻骨不成者能偃而死

掌骨不成者能匍匐而死

踵骨不成者能行而死

躡骨不成者能立而死

身不收者死

魚口者死

股間無生肉者死

頤下破者死

陰不起者死

陰囊下白者死赤者死

卯縫通達黑者壽

論曰兒三歲已上十歲已下視其性氣高下即可知其大壽大略兒小時識悟通敏過人者多大則項橐顏回之流是也小兒骨法成就威儀迴轉遲舒稍費人精神雕琢者壽其預知人意迴旋敏速者亦夭即楊修孔融之徒是也由此觀之大壽大略可知也亦猶梅花早發不覩歲寒甘菊晚成終於年事是知晚成者壽之兆也

小丘山考

千金卷九

六

喬氏世定刻行

孫真人備急千金要方卷之九

孫真人備急千金要方卷之十

分四

宋朝奉郎守太常少卿充祕閣校理林億等校正

少小嬰孺方

驚癇第三

論 候癇法
灸法

論曰少小所以有癇病及瘈病者皆由臟氣不平故也新生即癇者是其五臟不收欬血氣不聚五脉不流骨怯不成也多不全育其一月四十日已上至期歲而癇者亦由乳養失理血氣不和風邪預中也病先身熱掣瘈驚啼叫喚而後發癇脉浮者為陽癇病在六腑外在肌膚猶易治也病先身冷不驚掣不啼呼而病發時脉沉者為陰癇病在五臟內在骨髓極難治也病發身軟時醒者謂之癇也身強直及張如弓不時醒者謂之瘈

小丘山房

十全方卷十

喬氏世定刻行

也諸反張大人脊不容側手小兒容三指者不可復治也凡脉浮之與沉以判其病在陰陽表裏耳其浮沉復有大小滑澁虛實遲駛諸證各依脉形為治神農本草經說小兒驚癇有一百二十種其證候微異於常便是癇候也初出腹血脉不欬五臟未成稍將養失宜即為病也時不成人其經變蒸之後有病餘證並寬惟中風最暴卒也小兒四肢不好驚掣氣息小異欲作癇及變蒸日滿不解者並宜與龍膽湯凡小兒之癇有三種有風癇有驚癇有食癇然風癇驚癇時時有之十兒之中未有一二是風驚者凡是先寒後熱發者皆是食癇也驚癇昔按圖灸之風癇當與猪心湯食癇當下乃愈紫九佳凡小兒所以得風癇者緣衣暖汗出風因入也風癇者初得之時先屈背如數乃

發作者此風癩也驚癩者起於驚怖大啼乃發作者此驚癩也驚癩微者急持之勿復更驚之或自止也其先不哺乳吐而變熱後發癩者此食癩早下則瘥四味紫丸逐癖飲最良去病速而不虛人赤丸本無赤丸方諸醫方並無按此服四味紫丸不得下者當以赤丸赤丸差駛病重者當用之今次後癖結脹滿篇中第一方八味名紫雙丸者用朱砂色當赤用巴豆又用茸遂比紫丸當駛疑此即赤丸也

差駛病重者當用之凡小兒不能乳哺當與紫丸下之小兒始生生氣尚盛但有微惡則瀆下之必無所損及其愈病則致深益若不時下則成大疾疾成則難治矣凡下四味紫丸最善雖下不損人足以去疾若四味紫丸不得下者當以赤丸下之赤丸不下當倍之若已下而有餘熱不盡當按方作龍膽湯稍稍服之并摩赤膏方見木篇末風癩亦當下之然當以猪心湯下之驚

小丘山房

千金卷十

二

喬氏世定刻行

癩但按圖灸之及摩生膏方見本篇末

不可大下也何者驚癩心氣

不定一作足

下之內虛益令其爾驚癩甚者特為難治故養小兒

常慎驚勿令聞大聲抱持之間當安徐勿令驚怖又天雷時當

塞兒耳并作餘細聲以亂之也凡養小兒皆微驚以長其血脉但不欲大驚大驚乃灸驚脉若五六十日灸者驚復更甚生百

日後灸驚脉乃善見有熱不欲哺乳卧不安又數驚此癩之初也服紫丸便愈不愈復與之兒眠時小驚者一月輒一以紫丸

下之減其盛氣令兒不病癩也兒立夏後有病治之慎勿妄灸不欲吐下但以除熱湯浴之除熱散粉之除熱湯散見下篇傷寒條中除熱

赤膏摩之又以膏塗臍中令兒在涼處勿禁水漿常以新水飲

之小兒衣甚薄則腹中乳食不消則大便皆醋臭此欲為

癖之漸也便將紫丸以微消之服法先從小起常令大便稀勿
大下也稀後便漸減之不醋臭乃止藥也凡小兒冬月下無所
畏夏月下難瘥然有病者不可不下下後腹中當小脹滿故當
節哺乳數日不可妄下又乳哺小兒當令多少有常劑兒漸大
當稍稍增之若減少者此腹中已有小不調也便微服藥勿復
哺之但當與乳甚者十許日微者五六日止哺自當如常若都
不肯食哺而但欲乳者此是有癖為疾重要當下之不可不下
不下則致寒熱或吐而發癩或更致下痢此皆病重不早下之
所為也此即難治矣但先治其輕時兒不耗損而病可速愈凡
小兒尿黃而臭者此腹中有伏熱宜微將服龍膽湯若白而醋
臭者此挾宿寒不消也當服紫丸微者少與藥令內消甚者小

小丘山房

千金方卷十

三

喬氏世定刻行

增藥令小下皆復節乳哺數日令胃氣平和若不節乳哺則病
易復復下之則傷其胃氣令腹脹滿再三下之尚可過則傷矣
凡小兒有癖其脉大必發癩此為食癩下之便愈當審候掌中
與三指脉不可令起而不特下致於發癩則難瘥矣若早之此
脉終不起也脉在掌中尚可早瘥若至指則病增矣凡小兒腹
中有疾生則身寒熱寒熱則血脉動動則心不定心不定則易
驚驚則癩發速也

候癩法

夫癩小兒之惡病也或有不及求醫而致困者也然氣發於內
必先有候常宜審察其精神而採其候也

手白肉魚際脉黑者是癩候魚際脉赤者熱

脉青大者寒脉青細者為平也

鼻口乾燥大小便不利是癩候

眼不明上視喜陽是癩候

耳後完骨上有青絡盛卧不静是癩候

青脉刺之令血出也

小兒髮逆上啼笑面暗色不變是癩候

鼻口青時小驚是癩候

目閉青時小驚是癩候

身熱頭常汗出是癩候

身熱吐衄而喘是癩候

身熱日時直視是癩候

小丘山房

千金方卷十

四

喬氏世定刻行

喜欠目上視是癩候

身熱目視不精是癩候

目瞳子卒大黑於常是癩候

卧惕惕而驚手足振搖是癩候

卧夢笑手足動搖是癩候

意氣下而妄怒是癩候

咽乳不利是癩候

身熱小便難是癩候

吐痢不止厥痛時起是癩候

弄舌搖頭是癩候

已上諸候二十餘條皆癩之初也見其候便爪其陽脉所應灸

瓜之皆重手令兒驟啼及足絕脉亦依方與湯直視瞳子動腹滿轉鳴下血身熱口噤不得乳及張脊強汗出發熱為臥不悟手足掣瘈喜驚凡八條癩之極者也如有此非復湯瓜所能救便當時灸之

論曰若病家始發便來詣師師可診候所解為法作次序治之以其節度首尾取瘥也病家已經雜治無次序不能制病病則變異其本候師便不知其前證虛實直依其後證作治亦不得瘥也要應精問察之為前師所配依取其前蹤跡以為治乃無逆耳前師處湯本應數劑乃瘥而病家服一兩劑未效便謂不驗已後更問他師師不尋前人為治寒溫次序而更為治而不次前師治則弊也或前已下之後須平和療以接之而得瘥也

小丘山房

千金方卷十

五

喬氏世定刻行

或前人未下之或不去者或前治寒溫失度後人應調治之是為治敗病皆須邀射之然後免耳不依次第及不審察必及重弊也

龍膽湯治嬰兒出腹血脉盛實寒熱溫壯四肢驚掣發熱大吐嘔者若能進哺中食實不消壯熱及變蒸不解中客人鬼氣并諸驚癩方悉主之十歲已下小兒皆服之小兒龍膽湯第一此是新出腹嬰兒方若日月長大者以次依此為例若必知客忤及有魘氣者可加人參當歸各如龍膽多少也一百日兒加三銖一百日兒加六銖一歲兒加半兩餘藥皆准耳

龍膽

鈞藤皮

柴胡

黃芩

桔梗

芍藥

茯苓

一作甘草
茯苓神錄

各六

蜚 蝥 二枚

大黃 一兩

右十味咬咀以水一升煮取五合為劑也服之如後節度藥有虛實虛藥如足數合水也兒生一日至七日分一合為三服兒生八日至十五日分一合半為三服兒生十六日至二十日分二合為三服兒生二十日至三十日分三合為三服兒生三十日至四十日盡以五合為三服皆得下即止勿再服也

大黃湯治少小風癩積聚腹痛天矯二十五癩方

大黃

人參

細辛

乾薑

當歸

甘皮 各三銖

右六味咬咀以水一升煮取四合服如棗許日三

小丘山房

千金方卷十

六

喬氏世定刻行

白羊鮮湯治小兒風癩曾中有疾

白羊鮮 三銖

蚱蟬 二枚

大黃 四銖

甘草

釣藤皮

細辛 各二銖

牛黃 如大豆四枚

蛇蛻皮 一寸

右八味咬咀以水二升半煮取一升二合分五服日三若服已盡而癩不斷者可更加大黃釣藤各一銖以水漬藥半口然後煮之

增損續命湯治小兒卒中風惡毒及久風四肢角弓反張不隨

并躄殘僻不能行步方

麻黃

甘草

桂心 各一兩

芎藭

葛根

升麻

當歸

獨活 各十銖

人參

黃芩

石膏 各半兩

杏仁 二十枚

右十二味咬咀以水六升煮麻黃去上沫乃納諸藥者取一升二合三歲兒分為四服一日令盡少取汗得汗以粉粉之石膏湯治小兒中風惡瘳不能語口眼了戾四肢不隨方

石膏

合一

麻黃

銖八

甘草

射干

桂心

芍藥

當歸

銖各四

細辛

銖二

右八味咬咀以水三升半先煮麻黃三沸去上沫內餘藥者取一升三歲兒分為四服日三

治少小中風狀如欲絕湯方

大黃

牡蠣

龍骨

桔萋根

甘草

桂心

銖各二

赤石脂

寒水石

銖各六

右八味咬咀以水一升內藥重半兩煮再沸絞去滓半歲兒

小丘山房

千金方卷十

七

喬氏世定刻行

服如雞子大一枚大兒盡服入口中即愈汗出粉之藥無毒可每日二服有熱加大黃不汗加麻黃無寒水石朴消代之二物石膏湯治少小中風手足拘急方

石膏

如雞子大一塊碎

真珠

兩一

右以水二升煮石膏五六沸內真失煮取一升稍稍分服

桂枝湯治少小中風脉浮發熱自汗出項強鼻鳴乾嘔方

桂心

生薑

甘草

芍藥

各一兩

大棗

四枚

右五味咬咀三物以水三升煮取一升分三服

此方與傷寒篇中方相重

二物驢毛散治少小新生中風方

驢毛

一把取背前交脊上會中拔取如手母指大一把

麝香

二豆大

右以乳汁和銅器中微火煎令焦熟出為末小兒不能飲以

一乳汁和之蓄筒貯瀉著咽中然後飲乳令入腹

茵芋圓治少小有風癩疾至長不除或遇天陰節變便發動食飲堅強亦發百脉攣縮行步不正言語不便者服之永不發方

茵芋葉 鈔丹 泰光 鈞藤皮 石膏

杜蘅 防葵各一兩 苜蓿 黃芩各一兩半 松蘿半兩

蠅蝗十枚 甘草三兩

右十二味為末蜜丸如小豆大三歲已下服五丸三歲已上

服七丸五歲已上服十九十歲已上可至十五丸

鎮心圓治小兒驚癇百病鎮心氣方

銀屑拾二銖 水銀二十銖 牛黃六銖 大黃六分 茯苓三分

茯神 遠志 防己 白欬 樞黃

小丘山房 千金方卷十 八 喬氏世定刻行

人參 芍藥各二分 紫石英 真珠 防葵

鐵精各四分

右十六味先以水銀和銀屑如泥別治諸藥和丸二歲兒如

麻子二丸隨兒大小增之一方無牛黃一味

丹參赤膏治少小心腹熱除熱方

丹參 雷丸 硃砂 戎鹽 大黃各二兩

右五味吹咀以苦酒半升浸四種一宿以成鍊猪肪一斤煎

三上三下去滓乃內芒消膏成以摩心下冬夏可用一方但

用丹參雷丸亦佳

五物甘草生摩膏治小兒新生肌膚幼弱喜為風邪所中身體

壯熱或中大風手足驚掣方

甘草

防風各一白朮

桔梗各二雷丸二兩

右呶咀以不中水猪肪一斤煎為膏以前藥微火上煎消息視稠濁膏成去滓取如彈丸大一枚灸手以摩兒百過寒者更熱熱者更寒小兒雖無病早起常以膏摩顛上及手足心甚辟寒風

灸法

論曰小兒新生無疾慎不可逆針灸之如逆針灸則忍痛動其五脉因喜成病河洛關中土地多寒兒喜病瘳其生兒三日多逆灸以防之人灸頰以防噤有噤者舌下脉急牙車筋急其土地寒皆決舌不去血灸頰以防噤也吳蜀地温無此疾也古方既傳之今人不詳南北之殊便按方而用之是以多害於小兒

小丘山房

千金卷十

九 喬氏世定刻行

也所以田舍小兒任其自然皆得無有大橫也小兒驚啼眠中四肢掣動變蒸未解慎不可針灸爪之動其百脉仍因驚成瘳也惟陰瘳禁瘳可針灸爪之凡灸瘳當先下兒使虛乃承虛灸之未下有實而灸者氣逼前後不通殺人瘳發平旦者在足少陽晨朝發者在足厥陰日中發者在足太陽黃昏發者在足太陰人定發者在足陽明夜半發者在足少陰

右瘳發時病所在視其發早晚灸其所也夫瘳有五藏之瘳六畜之瘳或在四肢或在腹內當審其候隨病所在灸之雖少必瘳若失其要則為害也

肝瘳之為病面青目反視手足搖灸足少陽厥陰各三壯

心瘳之為病面赤心下有熱短氣息微數灸心下第二肋端宛

宛中此為巨闕也又灸手心主及少陰各三壯

脾癰之為病面黃腹大喜痢灸胃管三壯俠胃管傍灸二壯足陽明大陰各二壯

肺癰之為病面目白口沫出灸肺輸三壯又灸手陽明太陰各二壯

腎癰之為病面黑正直視不搖如尸狀灸心下二寸二分三壯又灸肘中動脉各二壯又灸足太陽少陰各二壯

膈癰之為病目反四肢不舉灸風府又灸頂上鼻人中下脘承漿皆隨年壯

腸癰之為病不動搖灸兩承山又灸足心兩手勞宮又灸兩耳後完骨各隨年壯又灸臍中五十壯

小丘山房

千金方卷一

十一 喬氏世定刻行

右五藏癰證候

馬癰之為病張口搖頭馬鳴欲反折灸項風府臍中三壯病在腹中燒馬蹄末服之良

牛癰之為病目正直視腹脹灸鳩尾骨及大椎各三壯燒牛蹄末服之良

羊癰之為病喜揚目吐舌灸大椎上三壯

猪癰之為病喜吐沫灸骨節兩傍各一寸七壯

犬癰之為病手屈拳灸兩手心一壯灸足太陽一壯灸肋戶一壯

雞癰之為病搖頭反折喜驚自搖灸足諸陽各三壯

右六畜癰證候

小兒暴癩灸兩乳頭女兒灸乳下二分

治小兒暴癩者身軀正直如死人及腹中雷鳴灸太倉及臍中上下兩傍各一寸凡六處又灸當腹度取背以繩繞頸下至臍中竭轉繩向背順脊下行盡繩頭灸兩傍各一寸五分

若面白啼聲色不變灸足陽明太陽

若目反上視眸子動當灸顛中取之法橫度口盡兩吻際又橫度鼻下亦盡兩邊折去鼻度半都合口為度從額上髮際上行度之灸度頭一處正在顛上未合骨中隨手動者是此最要處也次灸當額上入髮二分許直望鼻為王次灸其兩邊當目瞳子直上入髮際二分許次灸頂上迴毛中次灸客主人穴在眉後際動脈是次灸兩耳門當耳開口則骨解開動張陷是也

小丘山房

千金方卷一

十一

喬氏世定刻行

次灸兩耳上捲耳取之當倦耳上頭是也一法大人當耳上橫三指小兒各自取其指也次灸兩耳後完骨上青脈亦可以針刺令血出次灸玉枕項後高骨是也次灸兩風池在項後兩轆動肋外髮際陷中是也次灸風府當項中央髮際亦可與風池三處高下相等次灸頭兩角兩角當迴毛兩邊起骨是也

右頭部凡十九處兒生十日可灸三壯三十日可灸五壯五十日可灸七壯病重者具灸之輕者惟灸顛中風池玉枕也艾使熟炷令平正著肉火勢乃至病所也艾若生炷不平正不著肉徒灸多炷故無益也

若腹滿短氣轉鳴灸肺募在兩乳上第二肋間宛宛中懸繩取之當腫子是次灸膻中次灸胃堂次灸臍中次灸薛息薛息在

兩乳下第一肋間宛宛中是也次灸巨闕大人去鳩尾下一寸
小兒去臍作六分分之去鳩尾下一寸是也并灸兩邊次灸胃
管次灸金門金門在穀道前囊之後當中央是也從陰囊下度
之大孔前中分之

右腹部十二處曾堂巨闕胃管十日兒可灸三壯一月已上可
五壯陰下縫中可三壯或云隨年壯

強及張灸大椎并灸諸藏輸及督脊上當中從大椎
窮骨中屈更從大椎度之灸度下頭是督脊也

右背部十二處十日兒可灸三壯一月已上可灸五壯

若手足掣癱驚者灸澤次灸陽明次灸少商次灸勞宮次灸
心主次灸合谷次灸三關次灸少陽

小丘山房

千金方卷十

十三

喬氏世定刻行

右手部十六處其要者陽明少商心主尺澤合谷少陽也壯數
如上

又灸伏兔次灸三里次灸腓腸次灸鹿溪次灸陽明次灸少陽
次灸然谷

右足部十四處皆要可灸壯數如上

手足陽明謂人四指凡小兒驚癇皆灸之若風病大動手足掣
癱者盡灸手足十指端又灸本節後

孫真人備急千金要方卷之十

宋朝奉郎守太常少卿充祕閣校理林億等校正

少小嬰孺方

客忤第四論 方 灸法 呪法

論曰少小所以有客忤病者是外人來氣息忤之一名中人是為客忤也雖是家人或別旁異戶雖是乳母及父母或從外還衣服經履鬼神靡惡暴氣或牛馬之氣皆為忤也執作喘息乳氣未定者皆為客忤其乳母遇醉及房勞喘後乳兒最劇能經兒也不可不慎凡諸乘馬行得馬汗氣臭未盥洗易衣裝便向兒邊令兒中馬客忤兒卒見馬來及聞馬鳴驚及馬上衣物馬氣皆令小兒中馬客忤溫護之特重一歲兒也凡小兒衣布帛

小丘山房

全一卷二

一 喬氏世定刻行

綿中不得有頭髮履中亦爾白衣青帶青衣白帶皆令中忤凡非常人及諸物從外來亦能驚小兒致病欲防之法諸有從外來人及有異物入戶當將兒避之勿令見也若不避者燒牛屎令常有煙氣置戶前則善

小兒中客為病者無時不有此病也而秋初一切小兒皆病者豈是一切小兒悉中客邪夫小兒所以春冬少病秋夏多病者秋夏小兒陽氣在外血脉嫩弱秋初夏末最多時有暴冷小兒嫩弱其外則易傷暴冷折其陽陽結則壯熱胃冷則下痢是故夏末秋初小兒多壯熱而下痢也未必皆是中客及魁也若治少小法夏末秋初常宜候天氣溫涼也有暴寒卒冷者其少小則多患壯熱而下痢也慎不可先下之皆先殺毒後下之耳玄

中記云天下有女鳥名曰姑獲附後子母和一名天帝女一名

隱飛鳥一名夜行遊女又名釣星鬼喜以陰雨夜過飛鳴徘徊

人村里喚得來者是也鳥渾雌無雄不產陰氣毒化生喜落毛

羽於人中庭置兒衣中便令兒作癘病必死即化為其兒也是

以小兒生至十歲衣被不可露也七八月尤忌

凡中客忤之為病類皆吐下青黃白色水穀解離腹痛大亂面

色變易其候似癘但眼不上插耳其脉急數者是也宜與龍膽

湯下之加人參當歸各如龍膽秤分等多少也小兒中客急視

其口中懸癰左右當有青黑腫臑核如麻豆大或赤或白或青

如此便宜用針速刺潰去之亦可爪摘決之并以綿纏釵頭拭

去血也小小中客之為病吐下青黃赤白汁腹中痛及反倒偃

小山房

卷之二

二 喬氏世定刻行

側喘似癘狀但目不上插少睡耳面變五色其其脉弦急若失

時不治小兒則難治矣欲療之方用豉數合水拌令濕搗熟丸

如雞子大以摩兒顙及手足心各五六遍畢以丸摩兒心及臍

上下行轉摩之食頃破視其中當有細毛即擲丸道中痛即止

治小小中客忤強項欲死方

取衣中白魚十枚為末以傳母乳頭上令兒飲之入咽立

愈一方一枚著兒母手掩兒臍中兒吐下愈亦以摩兒項

及脊強處

治小小客忤一物黃土塗頭方

竈中黃土蚯蚓屎等分搗合水和如雞子黃大塗兒頭上

及五心良一方云雞子清和如泥

又方

吞麝香如大豆許立愈

治少小犯客忤發作有時者方

以母月衣覆兒上大良

治小兒卒中忤方

剪取驢前膊脾上旋毛大如彈子以乳汁煎之令毛消藥咸著乳頭飲之下喉即愈

又方燒母衣帶三寸并髮合乳汁服之

又方取牛鼻津服之

又方取牛口沫傅乳頭飲之

一物猪蹄散治小兒寒熱及赤氣中入方

小丘山房

全卷一

三 喬氏世定刻行

猪後脚懸蹄燒末搗篩以飲乳汁一撮立效

治少小卒中客忤不知人者方

取熱馬屎一丸絞取汁飲兒下咽便愈亦治中客忤而嘔

啼面青腹強者

二物燒髮散治少小見人未卒不佳腹中作聲者方

用向未者人顛上髮十莖斷兒衣帶少許合燒灰細末和

乳飲兒即愈

治小兒卒客忤方

銅鏡鼻燒令赤著少許酒中大兒飲之小兒不能飲者合

與之即愈

一物馬通浴湯治少小中忤方

馬通三升燒令煙絕以酒一斗者三沸去滓浴兒即愈
一物猪通浴湯治小兒中人忤嘔啼面青腹強者方

猴猪通二升以熱湯灌之適寒溫浴兒

治小兒中馬客忤而吐不止者方

灸手心主間使大都隱白三陰交各三壯可用粉丸如鼓
法並用唾唾而呪之呪法如左

呪客忤法

呪曰摩家公摩家母摩家子兒苦客忤從我始扁鵲雖良
不如善唾良呪訖棄丸道中

又法取一刀橫著竈上解兒衣發其心腹訖取刀持向兒呪之

唾輒以刀擬向心腹啡啡曰音非出煌煌日出東方背陰

小丘山房

金方卷十一

四 喬氏世定刻行

向陽葛公葛公不知何公子素不視去不顧過與生人忤
梁上塵天之神戶下土鬼所經大刀鏢犀對竈君三七唾
客愈兒驚唾啡啡如此三七啡啡每唾以刀擬之呪當三
遍乃畢用豉丸如上法五六遍訖取此丸破視其中有毛
棄丸道中客忤即愈矣

小兒魘方

論曰凡小兒所以有魘病者是婦人懷娠有惡滯導其腹中胎
妬嫉他小兒令病也魘者小鬼也姓娘婦人不必悉招魘魅人
時有此耳魘之為疾喜微微下痢寒熱或有去來毫毛鬢髮鬢
鬢不悅是其證也宜服龍膽湯比婦人先有小兒未能行而母
更有娘使兒飲此乳亦作魘也令兒黃瘦骨立髮落壯熱是其

證也

治魃方

灸伏翼熱噤哺之

又方燒伏翼末飲服之

又方以水二升煮蒲葦冬瓜各四兩取浴之白鮮皮湯治少小

客魅挾實方

白鮮皮

大黃

甘草各一兩

芍藥

茯苓

細辛

桂心各十

八銖

若七味咬咀以水二升煮取九合分三服

小兒夜啼

龍角圓治小兒五驚夜啼方

崔氏名五驚丸

小丘山房

千金方卷二

五

喬氏世定刻行

龍角

六銖

牡蠣

一作

川大黃

各九

黃芩

兩

蚱蟬

二枚

牛黃

如小豆

右六味末蜜丸如麻子葶藶煎服二九隨兒大小增減

芎藭散治小兒夜啼至明即安寐方

芎藭

白朮

防己各半

右三味治下篩以乳和與兒服之量多少又以兒母手掩臍

中亦以摩兒頭及脊驗二十日兒未能服散者以乳汁和服

如麻子一九兒大能服散者以意斟酌與之

一物前胡圓治少小夜啼方

前胡隨多少搗末以蜜和丸如大豆服一九日三稍加至

五六丸以麩為度

又方以妊娠時食飲偏有所思者物以此哺兒則愈

又方

伏龍肝

交道中土各一把

右二味治下篩水和少許飲之

又方取馬骨燒灰傅乳上飲兒啼即止

治小兒夜啼不已醫所不治者方

取狼屎中骨燒灰為末水服如黍米粒大一枚即定

治小兒驚啼方

取雞屎白熬末以乳服之佳

又方酒眼亂髮灰

又方車轄脂如小豆許內口中及臍中

小丘山房

卷十一

六

喬氏世定刻行

又方臘月縛猪繩燒灰服之

又方燒蝟皮三寸灰著乳頭飲之

千金湯治小兒暴驚啼絕死或有人從外來邪氣所逐令兒得

疾疾醫不治方

蜀椒

左顧牡蠣各六銖碎

右二味以酢漿水一升煮取五合每服一合

傷寒第五

論方灸法

論曰夫小兒未能冒涉霜雪乃不病傷寒也大人解脫之又傷於寒冷則不論耳然天行非節之氣其亦得之有時行疾疫之年小兒出腹便患斑者也治其時行節度故如大人法但用藥分劑少異藥小冷耳

麥門冬湯治小兒未滿百日傷寒鼻衄身熱嘔逆方

麥門冬十八銖

石膏

寒水石

甘草各半兩

桂心八銖

右五味吹咀以水二升半煮取一升每服一合日三

芍藥四物解肌湯治少小傷寒方

芍藥

黃芩

升麻

葛根各半兩

右四味以水三升煮取九合去滓分服暮歲已上分三服

麻黃湯治少小傷寒發熱欬頭面熱者方

麻黃

生薑

黃芩各一兩

甘草

桂心

石膏

芍藥各半兩

杏仁十枚

右八味吹咀以水四升煮取一升半分二服兒若小以意減

小山房

千金卷二

二 喬氏世定刻行

之

治小兒傷寒方

葛根汁

淡竹瀝各六銖

右二味相和二三歲兒分三服百日兒斟酌服之不宜生煮

服佳

治小兒時氣方

桃葉三兩搗以水五升煮十沸取汁日五六遍淋之若復

發燒雄鼠屎二枚燒水調服之

五味子湯治小兒傷寒病久不除瘥後復劇瘦瘠骨立方

五味子十銖

大黃

黃連

黃芩

麥門冬

前胡各六銖

砒硝五銖

石膏一兩

甘草

當歸各十
二銖

右卜味咬咀以水三升煮取一升半服二合得下便止計大
小增減之

莽草浴湯治少小傷寒方

莽草半
斤

牡蠣四
兩

雷丸三
枚

大黃一
兩

蛇牀子一
升

右五味以水三斗煮取斗半適寒温以浴兒避眼及陰

又方治小兒卒寒熱不佳不能服藥方

莽草

丹參

桂心各三
兩

菖蒲半
斤

雷丸一
升

蛇床子二
兩

右六味以水二斗煮三五沸適寒温以浴兒避眼及陰

小丘山房

金卷十一

喬氏世定刻行

雷丸浴湯治小兒忽寒熱方

雷丸二十
枚

大黃四
兩

黃芩一
兩

苦參

石膏各三
兩

丹參二
兩

右六味咬咀以水二斗煮取一斗半浴兒避眼及陰浴訖以

粉粉之勿厚衣一宿復浴

李葉浴湯治少小身熱方

李葉無多少咬咀以水煮去滓將浴兒良

柳枝浴湯治小兒生一月至五月乍寒乍熱方

細切柳枝煮取汁洗兒若渴絞冬瓜汁服之

青木香浴湯治小兒壯熱羸瘠方

青木香四
兩

麻子仁

竹葉各一
升

虎骨五
兩

白芷 三兩

右五味咬咀以水二斗煮取一斗稍稍浴兒

十二物寒水石散治少小身體壯熱不能服藥方

寒水石 硃硝 滑石 石膏

赤石脂 青木香 大黃 甘草

黃芩 防風 芎藭 麻黃根

右各等分合治下篩以粉一升藥屑三合相和復以篩篩之

以粉兒身日三

李根湯治小兒暴有熱得之二三日者方

李根 桂心 硃硝 各十銖 麥門冬

甘草 各一兩

小丘山房

一卷十一

九 喬氏世定刻行

右五味咬咀以水三升煮取一升分五服

升麻湯治小兒傷寒變熱毒病身熱面赤口燥心腹堅急大小

便不利或口瘡者或因壯熱便四肢攣掣驚仍成痲疾時發時

醒醒後身熱如火者悉主之方

升麻 白薇 麻黃 萎蕤

柴胡 甘草 各半 黃芩 一兩 朴消

大黃 釣藤 各六銖

右十味咬咀以水三升先煮麻黃去上沫內諸藥煮取一升

兒生三十日至六十日一服二合六十日至百日一服二合

半百日至二百日一服三合

大黃湯治小兒肉中久挾宿熱瘡瘡熱進退休作無時方

大黃

甘草

芒消各半兩

桂心八銖

石膏一兩

大棗五枚

右六味吹咀以水三升煮取一升每服二合

蜀棗湯治小兒潮熱方

蜀棗

甘草

知母

龍骨

牡蠣各半兩

右五味吹咀以水四升煮取一升去滓一歲兒少少溫服半

合日再

治小兒腹大短氣熱有進退食不安穀為不化方

大黃

黃芩

甘草

麥門冬

芒消各半兩

石膏一兩

桂心八銖

小丘山房

二金牙卷十二

一喬氏世定刻行

右七味吹咀以水三升煮取一升半三服昔歲已下小兒作

五服

竹葉湯治小兒夏月患腹中伏熱溫壯來往或患下痢色或白

或黃三焦不利方

竹葉切

小麥各五合

柴胡

麥門冬

人參

甘草各半兩

茯苓十八銖

黃芩一兩六銖

右八味吹咀以水四升煮竹小麥取三升去竹葉小麥下諸

藥煮取一升半分三服若小兒夏月忽壯熱燒人手洞下黃

澹氣力掇然脉極洪數用此方加大黃二兩再服得下即瘥

又方治五六歲兒溫壯腹中急滿息不利或有微腫亦治極羸

不下飲食堅痞手足逆冷方

竹葉切一

小麥升半

甘草

黃芩

栝蒌根

澤瀉

茯苓

知母

白朮

大黃各一兩

桂心二銖

生薑一兩半

人參

麥門冬

半夏各二兩

當歸十八銖

右十六味咬咀以水七升煮竹葉小麥取四升去滓內藥煎

取一升六合分四服

治小兒連壯熱實滯不去寒熱往來微驚悸方

大黃一兩

黃芩

栝蒌根

甘草各十銖

滑石二兩

桂心

牡蠣

人參

龍骨

凝水石

白石脂

消石各半兩

右十二味咬咀以水四升煮取一升半每服三合一日一夜

小丘山房

二卷卷十一

二 喬氏世定刻行

令盡雖吐亦與之一一本加紫石莢半兩

調中湯治小兒春秋月晨夕中暴冷冷氣折其四肢熱不得泄

則壯熱冷氣入胃變下痢或欲赤白滯起數去小腹脹痛極壯

熱氣脉洪大或急數者服之熱便歇下亦瘥也但壯熱不吐下

者亦主之方

葛根

黃芩

茯苓

桔梗

芍藥

白朮

藜蘆

大黃

甘草各六銖

右九味咬咀以水二升煮取五合服如後法見生一日至七

日取一合分三服生八日至十五日取一合半分三服生十

六日至二十日取二合分三服生二十日至三十日取三合

分三服生三十日至四十日取五合分三服恐嬰五合未得
更以意斟酌百日至三百日兒一如前篇龍膽湯加之
生地黃湯治小兒寒熱進退啼呼腹痛方

生地黃

桂心各二兩

右二味以水三升煮取一升蒼歲已下服二合已上三合一
方七味有芍藥寒水石黃芩當歸甘草各半兩

治小兒傷寒發黃方

搗土瓜根汁三合服之

又方搗韭根汁澄清取如大豆許滴兒鼻中即出黃水瘡
又方搗青麥汁服之

又方

小丘山房

安春上

主 喬氏世定刻行

小豆三十枚

瓜蒂十四枚

糯米四十粒

右三味為末吹入鼻中

二物通汗散治小兒有熱不汗方

粉半斤

雷丸四兩

右搗為細末和下篩以粉兒身

二物茯苓粉散治小兒頭汗方

茯苓

牡蠣各四兩

右治下篩以粉八兩合搗為散有熱輒取粉汗即自止

三物黃連粉散治小兒盜汗方

黃連

牡蠣

貝母各一兩

右以粉一升合搗下篩取粉兒身佳

犀角飲子此由心臟熱之所感宜服此方

犀角十八 茯神一 麥門冬半 甘草半

白朮六

右五味咬咀以水九合煎取四合分服加龍齒一 又佳

恒山湯治小兒溫瘧方

恒山切一 小麥合二 淡竹葉切一

右三味以水一升半煮取五合一日至七日兒一合為三服

八日至十五日兒一合半為三服十六日至二十日兒二合

為三服四十日至六十日兒六合為三服六十日至百日兒

一服二合半百日至二百日兒一服三合

又方鹿角末臨發時先服一錢七

小丘山房

二 寧卷十一

三 喬氏世定刻行

又方燒鼈甲灰以酒服一錢七至發時服三七并以火炙身

又方燒雞胫脰中黃皮為末和乳與服男雄女雌

又方灸兩乳下一指三壯

宋朝奉郎守太常少卿充秘閣校理林億等校正

少小嬰孺方

欬嗽第六方

小兒出胎二百許日頭身患小小瘡治護小瘡復發五月中忽小小欬嗽微溫和治之因變癩一日二十過發四肢縮動背脊舐眦眼反須臾氣絕良久復蘇已與常治癩湯得快吐下經日不問爾後單與竹瀝汁稍進一日一夕中合進一升許發時小踈明日與此竹瀝湯吐下發便大折其間猶稍稍與竹瀝汁竹瀝湯方

竹瀝合五

黃芩三十銖

木防已

羚羊角

小丘山房

△金方卷二

一喬氏世定刻行

白木各六銖一作白鮮

大黃二兩

茵芋三銖

麻黃

白薇

桑寄生

葶藶

甘草各半兩

右十二味咬咀以水二升半者取藥減半內竹瀝煎取一升

分服二合相去一食久進一服一方無草解

紫菀湯治小兒中冷及傷寒暴嗽或一氣咽喉鳴氣逆或首暈

清水出方

紫菀

杏仁

黃芩

當歸

甘草

橘皮

青木香

麻黃

桂心各六銖

大黃一兩

右十味咬咀以水三升煮取九合去滓六十日至百日兒一

服二合半一百日至二百日兒一服三合

五味子湯治小兒風冷入肺上氣氣逆面青喘迫欬嗽晝夜不
息食則吐不下方

五味子 當歸各半兩 麻黃 乾薑

桂心 人參 紫菀 甘草各六兩

細辛 欬冬花各二兩 大黃半兩 白朮

右十二味咬咀以水三升半煮取九合去滓兒六十日至百

日一服二合半一百日至二百日一服三合其大黃別浸一

宿下一方無欬冬花大黃有大棗三枚

治小兒大人欬逆短氣胃中吸吸呵出涕唾嗽出臭膿方

燒淡竹瀝煮二十沸小兒一服一合日五服大人一升亦

小丘山房

千金卷十二

二 喬氏世定刻行

日五服不妨食息乳哺

治小兒寒熱欬逆膈中有癖乳若吐不欲食方

乾地黄四兩 麥門冬 五味子 蜜各半升

大黃 消石各一兩

右六味咬咀以水三升煮取一升去滓內消石蜜煮令沸服

二合日三旬中當有宿乳汁一升許出大者服五合

射干湯治小兒欬逆喘息如水雞聲方

射干 麻黃 紫菀 甘草

生薑各一兩 半夏五枚 桂心五寸 大棗棗二十枚

右八味咬咀以水七升煮取一升五合去滓內蜜五合煎一

沸分溫服二合日三

又方半夏兩

紫苑

桂心

生薑

細辛

阿膠

甘草各二兩

欬冬花二兩

蜜合

右九味咬咀以水一斗煮半夏取六升去滓內諸藥煮取二升五合五歲兒服一升二歲服六合量大小多少加減之服之立効

杏仁圓治大人小兒欬逆上氣方

杏仁三升熟搗如膏蜜一升為三分以一分內杏仁搗令強更內一分搗之如膏又內一分搗熟止先食已含咽之多少自在日三每服不得過平方寸七則利

又方

小丘山房

全方卷十二

三

喬氏世定刻行

半夏

二斤去皮河水洗六七度乾用

白礬各一斤

丁香

甘草

草豆蔻

川升麻

縮砂各四兩粗搗

右七味以好酒一斗與半夏拌和勻同浸春冬三七日夏秋七日蜜封口日足取出用冷水急洗風吹乾每服一粒嚼破用薑湯下或乾喫候六十日乾方得服疑非孫思貌方

八味生薑煎治小兒嗽方

生薑七兩

乾薑四兩

桂心二兩

甘草

欬冬花各三兩

紫苑各三兩

杏仁

蜜各一兩

右合諸藥為末微火上煎取如飴餉量其大小多少與兒含咽之百日小兒如棗核許日四五服甚有驗

四物欬圓治小兒嗽晝夜甚初不得息不能復啼方

炒冬花

紫菀各一兩半

桂心兩

伏龍肝六

右為末蜜和如泥取如棗核大傅乳頭令兒飲之日三傅之
漸漸令兒飲之

芎藭圓治小兒暴冷嘔及積風冷嗽兼氣逆鳴方

芎藭

烏頭

杏仁

礬石

細辛

皂莢各六銖

欬冬花

乾薑

桂心

紫菀各十銖

蜀椒伍銖

吳茱萸各六銖

右十二味為末蜜丸如梧子三歲兒飲服五丸加至十九日
三兒小以意減之兒大以意加之暴嗽數服便瘥

桂枝湯治小小十日已上至五十日卒得聲欬吐乳嘔逆暴嗽

晝夜不得息方

小丘山房

金來一二

四

喬氏世定刻行

桂枝半兩

甘草半兩

紫菀十八銖

麥門冬八兩十銖

右四味咬咀以水二升煮取半升以綿著湯中提綿滴兒口
中晝夜四五過與之節乳哺

麻黃湯治小小卒肩息上氣不得安此惡風入肺方

麻黃四兩

甘草一兩

桂心五寸

五味子半升

半夏

生薑各二兩

右六味咬咀以水五升煮取二升百日兒服一合大小節度
服之便愈

癖結脹滿第七方

灸法

霍亂附

雙紫圓治小兒身熱頭痛食飲不消腹中脹滿或小腹絞痛大便不利或重下數起小兒無異疾惟飲食過度不知自止哺其蒸候哺食減少氣息不快夜啼不眠是腹內不調悉宜用此丸不用他藥數用神驗千金不傳方臣德等詳序例中凡云服味者是也云服紫丸不下者服赤丸赤丸者即前變蒸篇中四方中並無赤丸而此用朱砂又力緊於紫丸疑此即赤丸也

巴豆

麩核仁各十 麥門冬十

甘草五

甘遂

朱砂各二

牡蠣

蠟各八

右八味以湯熟洗巴豆研新布絞去油別搗甘草甘遂牡蠣麥門冬下篩訖研麩核入令極熟乃內散更搗二千杵藥燥不能相丸更入少蜜足之半歲兒服如瓜子一雙一歲二歲小丘山房

金卷十二

五 喬氏世定刻行

兒服如半麻子一雙三四歲者服如麻子二九五六歲者服如大麻子二九七歲八歲服如小豆二九九歲十歲微大於小豆二九常以雞鳴時服至日出時不下者執粥飲數合即下丸皆雙出也下甚者飲以冷粥即止

治小兒胎中宿熱母飲食粗惡辛苦乳汁不起兒乳哺不為肌膚心腹痞滿萎黃瘦瘠四肢痿躄繚戾服之可令充悅方

芍藥

柴胡各二

大黃

人參各一

乾薑

如餅以枳實代

甘草各半

鼈甲

茯苓各一

右八味為末蜜丸如大豆服一九一歲已上乳服三九七歲

兒服十九日二

牛黃圓治小兒宿乳不消腹痛驚啼方

牛黃三銖

附子二枚

真珠

巴豆

杏仁各一兩

右五味搗附子真朱為末下篩別搗巴豆杏仁令如泥內藥及牛黃搗一千二百杵藥成若乾入少蜜足之百日兒服如粟米一九三歲兒服如麻子一九五六歲兒服如胡豆一九日二先乳哺了服之隔上下悉當微轉藥丸出者病愈散出者更服以藥完出為度

芒消紫圓治小兒宿食癖氣痰飲往來寒熱不欲食消瘦方

硃砂

大黃各四兩

半夏

甘遂各二兩

代赭一兩

巴豆二百枚

杏仁一百二十枚

右七味為末別搗巴豆杏仁治如骨旋內藥末搗三千杵令小丘山房
十卷卷十二
六 喬氏世定刻行

相和合強者內少蜜百日兒服如胡豆一九過百日至一歲服二九隨兒大小以意節度當候兒大便中藥出為愈若不
出更服如初

治八歲已上兒熱結痰實不能食自下方

芍藥

梔子

知母

大黃各二兩

柴胡二兩六銖

升麻

黃連

黃芩各二兩半

竹葉二兩六銖

桔梗一兩半

細辛十五銖

右十一味咬咀以水六升煮取一升八合去滓分四服十歲兒為三服一本有枳實杏仁各一兩半而桔梗黃連治十五已下兒熱結多痰食飲減自下方

大黃

柴胡

黃芩各三兩

枳實各二兩

升麻

芍藥

知母

梔子

各二兩半

生薑十八銖

杏仁二兩

竹葉切一升半

右十一味吹咀以水六升半煮取二升十歲至十五者分三服

牛黃雙圓治小兒結實乳食不消心腹痛方

牛黃

太山甘遂

各半兩

真珠

六銖

杏仁

芍藥

茜草

各一兩

巴豆

十八銖

石七味為末蜜丸一歲兒飲服如麻子二九但隨兒大小加減之

牛黃驚甲圓治小兒驚悸壯熱食不消化中惡忤氣方

牛黃

厚朴

茯苓

桂心

小丘山房

千金方卷之

七 喬氏世定刻行

芍藥

乾薑

龍甲

麥麩

柴胡

大黃

枳實

芎藭

各一兩

右十二味為末蜜丸如小豆大日三服以意量之

芫花圓治小兒心下痞痰癰結聚腹大脹滿身體壯熱不欲哺乳方

芫花

黃芩

大黃

雄黃

各二兩半

右四味為末蜜和更搗一千杵三歲兒至一歲已下服如粟

米一丸欲服丸內兒喉中令母與乳若長服消病者當以意

消息與服之與乳哺相避

直珠圓治小兒痰實結聚宿癰羸露不能飲食方

直珠

半兩

麥門冬

一兩

豨仁

二百枚

巴豆

四十一枚

右四味為末蜜丸菴歲兒服二丸如小豆大二百日兒服如麻子二丸漸增以知為度當下病赤黃白黑葵汁下勿絕藥病盡下自止久服使小兒肥白已試驗

驚甲圓治少小腹中結緊脅下有疹手足煩熱方

驚甲

芍藥

大黃各三

茯苓

柴胡

乾薑各二十

桂心六

麝蟲

齊糖各二

右九味為末蜜和服如梧子七丸漸漸加之以知為度

驚頭圓治小兒痞氣脅下腹中有積聚堅痛方

驚頭一枚

甘皮半

蝨蟲

麝蟲

桃仁

各十

二金方卷三

八 喬氏世定刻行

小丘山房

右五味為末蜜丸服如小豆二九日三大便不利加大黃十八誅以知為度

治小兒羸瘦腹脹宜常服不妨乳方

甘草五兩為末蜜丸一歲兒如小豆十九日三服盡即更合

桂心橘皮湯治小兒五六日不食氣逆方

桂心

人參各半

橘皮三

黍米五

成擇薤五

右五味咬咀以水七升先煮藥煎取二升次下薤米熟藥成稍稍服之

地黃圓治少小胃氣不調不嗜食生肌肉方

乾地黄

大黃各一兩

茯苓十八

當歸

柴胡

杏仁

各半兩

右六味為末以密丸如麻子大服五丸日三

馬通栗圓治少小脅下有氣內痛喘逆氣息難進未寒熱羸瘦

不食方

馬通中栗十八銖

杏仁

紫菀

細辛各半兩

五味子

石膏

秦艽

半夏

茯苓各六銖

右九味為末蜜丸服如小豆十九日三不知加至二十九

治小兒下痢腹大且堅方

以故衣帶多垢者切一升水三升煮取一升分三服

又方

小丘山房

金方卷十二

九 喬氏世定刻行

腹上摩衣中白魚赤治陰腫

治少小腹脹滿方

燒父母指甲灰乳頭上飲之

又方

韭根汁和猪脂煎細服用之

又方

車轂中脂和輪下土如彈丸吞之立愈

又方

米粉鹽等分炒變色腹上摩之

治小兒瘰

灸兩乳下一寸各三壯

當歸圓治小兒胎寒嘔啼腹中痛舌上黑青涎下方一名黑丸

當歸

狼毒各九

吳茱萸一作杏仁

蜀椒各半

細辛

乾薑

附子各十

巴豆十枚

豉合七

右九味搗七種下篩秤藥末令足研巴豆如膏稍稍內末搗令相得蜜和桑杯盛蒸五升米飯下出搗千杵一月兒服如黍米一丸日一夜二不知稍加以知為度亦治水癖

馬齒礬圓治小兒胎寒嘔啼驚癩腹脹不嗜食大便青黃并大人虛冷或有實不可吐下方

馬齒礬一斤燒半日以棗膏和大人服如梧子二九日三

小兒以意減之以腹內溫為度有實實去神妙

小丘山房

金卷十二

喬氏世定刻行

治小兒忽患腹瀉天橋汗出名曰胎寒方

煮梨葉濃汁七合可三四度飲之

半夏圓治小兒暴腹滿欲死方

半夏隨多少微火炮之搗末酒和服如粟米粒大五九日

三立愈

治小兒霍亂吐痢方

人參兩一

厚朴

甘草各半

白朮十八

右四味咬咀以水一升二合煮取半升六十日兒服一合百

日兒分三服菴歲分二服中間隔乳服之乳母忌生冷油

膩等一方加乾薑二分或加生薑三分

藿香湯治毒氣吐下腹脹逆害乳哺方

藿香一兩

生薑三兩

青竹茹

甘草各半兩

右四味咬咀以水二升煮取八合每服一合日三有熱加升麻半兩

治孩子霍亂已用立驗方

人參

蘆籜各半兩

菟豆藤二兩

倉米撮

右四味咬咀以水二升煮取八合分溫服

又方

人參

木瓜一枚

倉米撮

右三味咬咀以水煮分服以意量之立效

治小兒霍亂方

研尿滓乳上服之

小丘山房

金方卷二

二 喬氏世定刻行

又方

牛涎灌口中一合

治少小吐痢方

亂髮半兩

鹿角六銖

右二味為末米汁服一乃圭日三服

又方

熱牛屎舍之一作牛膝

又方

燒特猪屎水解取汁少小服之

孫真人備急千金要方卷之十二

